

ai 9 di Otubar dal 1963

Diari gno,

chê di vuê e je stade pardabon une zornade bieles penzes!

O soi un tic stracute, ma prime o ai gust di contâti alc di ce che al è sucedût... Par altri, cumò no rivarès nancje a durmî, parcè che Nêf e va indevant a gratâ cuintri dal veri dal barcon e e sgnale a plene bocje menant la code. O ai provât a vierzi il veri par viodi se e veve di lâ fûr, ma e je scjampade dute scaturide sot dal jet. Cuissà ce che i passe pal cjâf usgnot!

Ma tornin ae nestris aventuris!

A buinore e je vignude a sveâmi la none, disint che vie pe gnot e jere rivade une bieles sorprese. Alore o soi jevade e i soi lade daûr fin te stale, ancjemò incocalide e dute sbarlufide e... dongje di Caruline, la mê vacje preferide, al jere un vidielut che al cirive di tirâsi su in pîts. Caruline lu cjalave cui siei voglons morons e i à dât une bieles lecade cu la sô lenghe lungje, po i à sburtât il cjavut sot de panze par che al cjapàs il lat.

Al è stât un biel moment e ancje Nêf no si è permetude di interrompi la sene, ancje se par solit no mole di sgnaulâ fin che la none no i sclipigne la muse cul lat a pene molzât dal luvri.

Po dopo, la none mi à mandade a cjoli i ûfs, ma par festezâ mi à lassât un ovut dut par me. I ai fat un busut tal scus cu la ponte dal piron e mal soi bevût dut di un flât: ce bontât!

Fate gulizion, vie di corse a scuele, cul zejut pai lens di cjapâ sù dulinvie dal viaç. Mi plâs fermâmi par strade par cjoli i ramaçs, ancje se dispès mi capite di pierdimi vie a cirî rosutis, a cjalâ i sghirats, a rimpinâmi su pai arbui par cjatâ nîts, e alore dopo o scuën cori a pitinton, par che la mestre no mi disedi su di dut pal ritart.

Vuê, par altri, intant che o passavi di là dal paintut, no mi soio inçopedade e robis che o coli dentri dal riul! Di bon che o soi colade cul cûl suntune lidrîs, che se no mi tocjave di stâ dute la di cui vistîts bagnâts!

A scuele par altri vuê no je lade nancje mâl, al jere il gno amî Elvi che al simiotave la maestre e ducj noaltris a ridi daûr, e la mestre no capive ce che o vevin e plui jê si inrabiave, plui Elvi i faseve lis musis par sot, plui noaltris o ridevin!

Dopo scuele jo e altris cuatri cinc di Nert o sin lâts sù pai cjamps fin li dal broili di Tite Stuart, che lu clamìn cussì par vie che al à une gjambe che

al va çuet. Dongje de sô cjase al è un cacâr boconon, l'unic in dut il paîs, che nissun al sa cemât che al fâs a vêlu tirât sù. Noaltris o vevin voie di viodi se e jere za cualchi pome mature, ma chel maledet al jere fâr tal ort e al pareve che al fos in vuaite, platât daûr de palade. Al à spietât che doi di nô a lessin sù pal arbul, po dopo al è saltât fâr cuntune vangje in man berlant come un mat!

Un di chei che al jere sul cacâr al è ancje vignût jù a rondulis dal arbul, fortune che al veve masse premure di scjampâ vie par rindisi cont al jere dut scussât e marcolât.

Jo e Elvi o vin cjapade la strade dal bosc, ma chel folcchetitrai di Tite nol vevie metût un spali tra un arbul e che altri, cussì lu vin cjapât in plentes cjavilis e Elvi al à fat un svol di chei.

Al è finît cuintri di un rôl e o crodevi che al fos muart, par fortune dopo un moment al à tornât a vierzi i voi, al à movût i lavris ducj insanganâts e... no i mancjavie un dint denant! Un incisîf, par jessi precîs, e cuant che jal ai dit si è metût a vaî come un purcitur e nol voleve scjampâ vie se prime no lu cjatavin... Ae fin, lu vin viodût tun grum di fueis, plen di bave rosse, e dopo che jal ai metût in man, Elvi al à provât a tornâ a tacâlu te buse, ma aromai no si podeve fâ nuie.

Alore, par no viodilu cussì avilît i ai regalât il gno pagnut cu la marmelade e al è stât biel viodilu content, ancje se i mancjave un dint denant.

Di bon che al jere un dint di lat e i tornarà a cressi un altri, ancje se par un pôc al restarà sdenteât.

Scuse, diari gno, cumò mi tocje di lâ parcè che o sint i pas de none su lis scjalis e se mi brinche cu la lâs impiade o sint un toçj... Si sintin doman!

Une bussadone e buine gnot... simpri se cheste gjate mi lasse durmî in pês!

Marilina

*Marilina e je une des 487 piçulis vitimis dal Vaiont che si son indurmididis par simpri ta chêt gnot dai 9 di Otubar dal 1963. La sô storie no esist intai libris di scuele, ma noaltris o vin provât a imaginâse e a ricuardâle ae nestre maniere.*

9 ottobre 1963

Caro diario,

oggi è stata una giornata davvero intensa!

Sono un po' stanca, ma prima voglio raccontarti un po' quello che è successo... che poi, adesso non riuscirei neanche a dormire, perché Nêf continua a graffiare il vetro della finestra miagolando a più non posso e agitando la coda. Le ho aperto la finestra per farla uscire, ma lei è scappata tutta impaurita sotto il letto. Chissà cosa le passa per la testa stasera!

Ma torniamo alle nostre avventure!

Al mattino è venuta a svegliarmi la nonna, dicendomi che durante la notte era arrivata una bella sorpresa. Allora mi sono alzata e l'ho seguita fin dentro la stalla, ancora addormentata e tutta arruffata e... vicino a Carolina, la mia mucca preferita, c'era un vitellino che cercava di alzarsi. Carolina lo guardava con i suoi occhioni marroni e lo ha leccato con la sua lingua lunga, poi gli ha spinto la testolina sotto la pancia perché prendesse il latte.

È stato un bel momento e anche Nêf non si è permessa di disturbare, anche se di solito non la smette di miagolare finché la nonna non le schizza il latte appena munto sul viso.

La nonna mi ha mandato a prendere le uova, ma per festeggiare me ne ha lasciato uno piccolo tutto per me. Gli ho fatto un buchino con la forchetta e me lo sono bevuto tutto di un fiato: che bontà!

Poi, finita colazione, via di corsa a scuola, con il cestino per la legna da raccogliere nel viaggio. Mi piace fermarmi per strada a raccogliere rami, anche se mi capita spesso di indugiare cercando fiorellini, guardando gli scoiattoli, arrampicandomi sugli alberi per scovare nidi, e allora poi devo mettermi a correre come una pazza, perché la maestra non mi sgridi per il ritardo.

Oggi, peraltro, mentre attraversavo il ponticello, non sono inciampata e ci mancava un pelo che cadessi nel fiume! Per fortuna sono caduta con il sedere sopra una radice, altrimenti avrei dovuto rimanere tutto il giorno con i vestiti bagnati!

A scuola poi oggi non è andata male, c'era il mio amico Elvi che faceva il verso alla maestra e noi tutti ridevamo, ma la maestra non capiva cosa

stesse succedendo, e più lei si arrabbiava, più Elvi la scimmiettava di nascosto, più noi ridevamo!

Dopo scuola io e altri quattro cinque di Erto siamo saliti attraverso i campi fino al frutteto di Tite Stuart, che lo chiamano così perché è zoppo da una gamba. Vicino a casa sua c'è un caco grandissimo, l'unico in tutto il paese, che tutti si chiedono come sia riuscito a farlo crescere. Noi volevamo vedere se c'era già qualche caco maturo, ma quel maledetto era fuori nell'orto e sembrava essere in agguato, nascosto dietro la staccionata. Ha aspettato che due di noi salissero sull'albero, poi è saltato fuori con una vanga in mano urlando come un pazzo!

Uno di quelli che stavano sul caco è caduto giù dall'albero, per fortuna era troppo impegnato a scappare per accorgersi di essere tutto ammaccato e ferito.

Io ed Elvi abbiamo preso la strada del bosco, ma quel farabutto di Tite non aveva teso un filo tra gli alberi, così lo abbiamo preso in pieno nelle caviglie e Elvi ha fatto un ruzzolone.

È finito contro una quercia e temevo fosse morto, ma per fortuna dopo un attimo ha riaperto gli occhi, ha mosso le labbra tutte insanguinate e... gli mancava un dente davanti! Un incisivo, per essere precisi, e quando gliel'ho detto si è messo a piangere come un porcellino e non voleva scappare se prima non lo trovavamo... alla fine, lo abbiamo intravisto tra le foglie, pieno di bava rossa, gliel'ho messo in mano, e lui ha provato a riappiccicarselo nel buco, ma ormai non si poteva più fare niente.

Allora, per non vederlo così triste gli ho regalato il mio panino con la marmellata ed è stato bello vederlo felice, anche se gli mancava un dente davanti. Per fortuna era un dente da latte e gliene ricrescerà un altro, anche se per un po' rimarrà sdentato.

Scusami, caro diario, ma ora devo andare perché sento la nonna sulle scale e se mi trova con la luce accesa le sento... A domani!

Un bacio e buona notte... sempre che questa gatta mi lasci dormire in pace!

Marilina

*Marilina è una delle 487 piccole vittime del Vajont che si sono addormentate per sempre in quella notte del 9 ottobre 1963. La sua storia non esiste nei libri di scuola, ma noi abbiamo voluto immaginarcela e provare a ricordarla a modo nostro.*